



Publicaziuns officialas dils 22-12-2017

Damondas da baghegiar

Nr. 110/2017

Datum da publicaziun: 22-12-2017
Patrun: Tuor Duri, 7175 Sumvitg
Liug e parcella: Via Sursilvana; 1668
Object: remplazzament dallas finiastras

Nr. 111/2017

Datum da publicaziun: 22-12-2017
Patrun: Derungs Cornelia, 7172 Rabius
Liug e parcella: Tscheps; 4216
Object: construcziun d'in niev clavau

Il profils ein tschentai ed ils plans da construcziun ein deponi tier la canzlia communal.
L'investa publica cuozza 20 dis dapi il datum da publicaziun.

Eventualas protestas encunter sura damonda da baghegiar ein d'inoltrar alla cumissiun da baghegiar Sumvitg enteifer 20 dis dapi il datum da publicaziun.

Sumvitg, 22-12-2017

Cumissiun da baghegiar

Salids ed auguris per las fiastas da Nadal e Daniev

La suprastonza communal giavischa a Vus, preziadas convischinas e preziai convischins, bialas e legreiblas fiastas da Nadal. Per la scumiada digl onn augurein nus buna sanadad, e tut bien. En num dallas autoritads communalas engraziein nus da cor per tut engaschi en favur da vischnaunca e cuminonza.

Sumvitg, 22-12-2017

Suprastonza communal

Aperitiv da Daniev

La suprastonza communal envida Vus cordialmein, preziadas convischinas, preziai convischins e preziai hosps ad in aperitiv da Daniev. Communablamein vulein nus far in viva sigl onn niev. Igl aperitiv da Daniev ha liug allas 17.00 uras sin plaz scola a Sumvitg. La suprastonza communal selegra da beneventar Vus e giavischa gia uss ina buna ruschnada egl onn niev.

Sumvitg, 22-12-2017

Suprastonza communal Sumvitg

PREAVIS

Administraziun communal / Comunicaziun

L'administraziun communal resta serrada sur las fiastas da Nadal e Daniev sco suonda:
naven da venderdis, ils 22-12-2017, allas 17.00 uras, entochen mesjamna, ils 27-12-2017
allas 08.00 uras

naven da venderdis, ils 29-12-2017 allas 17.00 uras, entochen mesjamna, ils 03-01-2017 allas
08.00 uras

Nus engraziein per la buna collaboraziun, giavischein benedidas fiastas da Nadal ed in bien
niev onn.

Sumvitg, 22-12-2017

Administraziun communal

Novas uras da spurtegl

Naven digl 1. da schaner 2018 ha l'administraziun communal novas uras da spurtegl. Daniev
ei il spurtegl aviarts la gievgia suentermiezdi naven dallas 16:00 entochen las 17:00 uras. Las
ulteriuras uras da spurtegl restan sco tochen dacheu:

gliendisdis, mesjamna, gievgia e venderdis	08:00 – 11:00	16:00 – 17:00
mardis	08:00 – 11:00	16:00 – 18:00

Nus supplichein per enconuschientscha.

Sumvitg, 22-12-2017

Administraziun communal

Serrada via Val Sumvitg

Ord motivs da segirtad resta la via Val Sumvitg serrada naven d'immediat sil tschancun da Val
anen per tut traffic.

Sumvitg, 22-12-2017

Departament stradal

Sera d'orientaziun e discussiun pertuccont #habitar@giuven – in'idea co utilisar la casa da scola Sumvitg

La vischnaunca envida oravontut la GIUVENTETGNA a quella sera.

Venderdis, ils 05-01-2018 allas 20.00 uras en casa da scola a Sumvitg.

#ORIENTAZIUN #DISCUSSIUN #APERITIV #NIES AVEGNIR #GIUVENTETGNA

Sumvitg, 22-12-2017

Vischnaunca Sumvitg

Uffeci civil Surselva

Mortori

Maissen Robert, naschius ils 24-07-1926, morts ils 13-12-2017, staus sesents a Rabius.

Sumvitg, 22-12-2017

Controlla da habitonts

Glisch dalla pasch

Uonn celebrein nus negina devoziun tier la glisch dalla pasch. Ella sesanfla naven dils **22 da december** en baselgia per tut tgi che vul prender ella naven da leu a casa.

Sentupada finiastras d'advent

Nus s'entupein ils **29 da december** allas 18.00 si Caduff. Suenten stein nus da buna cumpignia ensemen e gudin ina suppa caulda en fatschenta da Bearth lenn a Rabius.